

欽定大清會典事例

卷

四百五十六至  
四百五十八

禮部

喪禮

欽定大清會典事例卷四百五十六

禮部

喪禮

太宗文皇帝大喪儀  
太祖高皇帝大喪儀

皇帝大喪儀

世祖章

太祖高皇帝大喪儀。○天命十一年八月十一日。

太祖高皇帝崩。是日。諸貝勒大臣及侍衛以至羣臣萬民哀慟呼號。遠近不絕。○先是七月二十三日。

駕幸清河。不豫。八月初七日。

太祖高皇帝疾大漸。乘舟還瀋陽。順太子河而下。入渾河。溯流至靉雞堡。距瀋陽城四十里。十一日未

刻。

太祖高皇帝崩。羣臣恭昇至瀋陽城入宮。○十二日。

太妃以身殉。遂同時而斂。恭奉

龍輦出宮。奉安

梓宮於瀋陽城中西北隅。○九月初一日。

太宗文皇帝即位。

頒詔大赦。是年丙寅。仍用

太祖年號。以明年丁卯為天聰元年。

太宗文皇帝素服居喪。○二十六日。蒙古科爾沁土謝

圖汗遣使來弔喪。○十月初七日。國舅科爾沁

卓哩克圖烏克善偕其母備馬酒來弔喪。○十  
七日。蒙古科爾沁土謝圖汗奧巴岱達爾漢札  
薩克圖杜棱布達齊冰圖洪果爾伊爾都齊哈  
坦巴圖魯桑噶爾寨巴特瑪小桑噶爾寨噶漢  
木寨額參卓哩克圖台吉瑣諾木等遣使來弔  
喪。明甯遠巡撫袁崇煥遣李喇嘛及都司傅有  
爵田成等三十四人來弔喪。○十一月。喀爾喀  
寨賽貝勒遣使齎馬匹白布來弔喪。國舅桑噶  
爾寨親齎鞏馬及牛來弔喪。○十二月除夕。天  
聰元年元旦。俱徹樂停燕。○天聰元年四月二

十日。

太宗文皇帝詣

太祖梓宮前行禮。○三年二月初十日。

太宗文皇帝諭諸貝勒大臣曰。

皇考太祖梓宮宜遷吉地。遂卜地於瀋陽城東二十里

渾河北石觜頭山。遣官詣東京奉遷

孝慈高皇后梓宮合葬。大貝勒莽古爾泰奉母福晉富察

氏柩亦同遷焉。十三日清明節奉遷

太祖高皇帝梓宮安葬

福陵。

太宗文皇帝率諸貝勒大臣。五鼓謁拜。

太祖高皇帝几筵。奠酒焚楮錢。讀遷葬祝文畢。焚之。

太宗文皇帝與諸貝勒親奉。

梓宮出殿。諸大臣奉置。

靈輦。列鹵簿奏樂。八旗諸臣分為八班。輪昇至。

山陵。以。

孝慈高皇后梓宮與。

太祖高皇帝梓宮合葬。大貝勒莽古爾奉母福晉富察。

氏之柩。祔葬於旁。葬畢。焚楮錢以祭。禁。

陵前不許乘車馬行走。過必下。諸貝勒大臣以至小民。

不下徑過者治罪。於東西兩旁立下馬坊。○崇德元年四月。恭上

尊謚曰

承天廣運聖德神功肇紀立極仁孝武皇帝。

廟號

太祖。○康熙元年。恭加上

尊謚曰

太祖承天廣運聖德神功肇紀立極仁孝睿武弘文定業高皇帝。

太宗文皇帝大喪儀。○崇德八年八月初九日。

太宗文皇帝崩。是日。鹵簿全設。內外和碩親王以下。佐領以上。朝鮮國世子等及公主和碩格格和碩福晉以下。佐領等官命婦以上。咸成服。內外和碩親王以下。佐領以上。皆截髮辮。和碩福晉以下。佐領等官命婦以上。亦截髮。公主下嫁者不截髮。衣縞素。時外藩科爾沁和碩福妃。和碩賢妃。與察哈爾故額駙額哲妻固倫公主。祁他特額駙妻固倫公主。弼爾塔噶爾額駙妻固倫公主。多羅郡王班第額駙妻公主。和碩卓哩克圖親王烏克善妻。多羅巴圖魯郡王滿珠習禮妻。



多羅格格等俱以賀捷至

盛京。未還遇喪。衣帶皆縞素。不截髮。王以下。奉國將軍以上。公主和碩福晉以下。縣君奉國將軍。淑人以上。齊集。

清寧宮前詣

几筵焚香。跪祭酒三爵。立舉哀。都統尚書以下各官齊集。

崇政殿前。都統尚書等命婦以下。俱齊集。

大清門外。各按旗序立舉哀。○次日奏樂。奉安。

梓宮於

崇政殿設

几筵樂止。諸王貝勒以下各官每日入臨二次。上香獻饌。衆皆跪。祭酒三爵。三叩興。立舉哀。凡三日止。  
○第四日。王貝勒貝子公及福晉等歸府第齋宿。部院官各於本衙門齋宿。間散官俱於

篤恭殿前齋宿。凡十八日止。諸王率都統等每日黎明哭臨一次。祭奠如前者。又七日。諸王以下各官不祈禱。不祭祀。不燕會。凡百日止。軍民人等。凡十八日止。禁止屠宰。凡十三日止。外省官民人等。以

詔到日摘冠纓成服。各官於本衙門齊集。每晨夕上香。  
三跪九叩興。舉哀。凡三日止。至二十七日除服。  
○二十三日。行初祭禮。王以下。佐領以上。固倫  
公主和碩福晉以下。佐領命婦以上。齊集行禮。  
○二十四日。諸王貝勒貝子率文武各官祭奠  
几筵前。以

世祖章皇帝嗣承大位告。○科爾沁和碩福妃。和碩賢  
妃。冰圖王妃。和碩土謝圖親王巴達禮。和碩卓  
哩克圖親王烏克善。多羅巴圖魯郡王滿珠習  
禮。多羅札薩克圖郡王布塔齊。國舅桑噶爾塞

固倫額駙巴雅思護朗。祁他特。弼爾塔噶爾。和  
碩額駙多爾濟。穆章。多羅額駙綽爾濟。土默特  
部落查薩哀達爾漢。歸化城土默特部落章京  
諾爾布。教漢部落固倫額駙多羅郡王班第喀  
喇沁部落查薩哀杜棱。札魯特部落喇巴。泰烏  
喇特部落小桑噶爾寨。鄂爾多斯部落沙克察  
巴林部落寨布騰。多羅額駙色楞。四子部落查  
薩哀達爾漢。卓哩克圖。郭爾羅斯部落布木巴。  
翁牛特部落博陀戈。查薩哀達爾漢。戴青寨。桑  
烏巴什。察哈爾固倫公主柰曼部落多羅達爾

漢郡王哀出斯巴圖魯和碩額駙巴達里杜爾伯特部落色冷額林臣伊蘇特部落噶爾瑪宜爾登札賚特部落山查克什克騰部落色冷達爾漢巴圖魯等及大小頭目喇嘛各上香獻駝馬金銀緞疋貂皮鞞轡甲冑衣帽等物酌納之。附八旗下外藩駐牧蒙古公博洛多羅額駙戴達爾漢昂邦章京阿爾鼎古黑德祁他特車爾貝查木素諾爾布德參濟王卓爾齊奉哈岱叟格毛海梅勒章京綽爾門袁楚克甲喇章京海塞穆章等上香獻鞞馬銀器等物酌納之。○二

十六日。

世祖章皇帝即位。不設鹵簿。不作音樂。頒詔於朝鮮外藩蒙古諸國。國王等於

詔到日舉行喪禮。至二十七日除服。○九月初九日行

滿月禮。王以下各官。公主福晉及官員命婦。齊

集行禮。與初祭同期。年內滿月皆致祭。是日出

征諸王貝子公大臣等先釋服。○二十日。和碩親王

太宗文皇帝山陵寶城宮殿告成。遣官祭告。

圜丘

太廟。○二十一日。恭奉

太宗文皇帝梓宮

寶位詣

昭陵前期於

几筵前祇告。是日諸王以下及已出痘之公主和碩福

晉格格等集

崇政殿哭臨和碩親王詣

梓宮前跪祭酒三爵。諸王以下皆跪行三叩禮。學士跪

讀祝文畢。鹵簿全設。作樂前引。

梓宮出大清門。未出痘公主福晉格格集城門。迤北序

立候。

靈駕至。跪舉哀。候過隨行。都統尚書以下。佐領以上。都  
統尚書命婦以下。佐領命婦以上。外藩喀爾喀  
鄂爾多斯土默特索倫薩哈爾察等。分兩翼集  
關門外。俱候

靈駕至。跪舉哀。候過隨行至  
陵奉安

梓宮於殿內。陳設祭禮。諸王內大臣及公主格格福晉  
等列階上。都統以下。各按旗列階下。和碩親王  
詣

梓宮前跪。祭酒三爵。諸王以下俱跪。行三叩禮。畢。各就



列舉哀。內大臣、都統、副都統、尚書等官升階詣梓宮前跪。各獻爵畢，徹饌。

孝端文皇后及諸妃奉

梓宮前陳設御衣。舉哀。下殿置焚榻上。跪祭酒三爵。衆皆跪行三叩禮畢。

孝端文皇后升殿。諸王等進。近焚榻前舉哀。行一跪三叩禮。是日親王以下。佐領以上。和碩福晉以下。佐領命婦以上。咸除服。○冬十月初五日。蘇尼特部落騰機特喀爾喀部落土謝圖汗下諾爾舍津等進香。獻韋馬銀幣茶香等物。酌納之。○